

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI

Broj: 32 0 St 401746 21 St
Tuzla, 26.08.2021. godine

OPĆINSKI SUD U TUZLI, sudija Arnaut Faruk, u postupku predhodnog ispitivanja prijedloga za otvaranje stečajnog postupka nad dužnikom „KALE- POLOVNA ROBA“ d.o.o. Lukavac, ul. Milerova br.2., Lukavac, dana 26.08.2021. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „KALE- POLOVNA ROBA“ d.o.o. Lukavac, ul. Milerova br.2., Lukavac.

Za privremenog stečajnog upravnika imenuje Maja Musemić dipl.ecc iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- **obezbijediti imovinu dužnika i starati se o istoj,**
- **ima ovlašćenja da uđe u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i**
- **uraditi kontrolu poslovanja stečajnog dužnika.**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Lukavci Službi za geodetske i imovinsko-pravne poslove Općine Lukavac, radi upisa zabilježbe otvaranja prethodnog postupka.

O b r a z l o ž e n j e

„KALE- POLOVNA ROBA“ d.o.o. Lukavac kao dužnik podnio je dana 27.05.2021. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 29.07.2021. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „KALE- POLOVNA ROBA“ d.o.o. Lukavac je dana 09.08.2021. godine dostavio sudu dokaz o uplati predujmljenih sredstava za finansiranje prethodnog postupka u iznosu od 4.000,00 KM.

Na osnovu priložene dokumentacije i to: aktuelnog izvoda iz sudskog registra od 26.04.2021. godine; Odluka o prestanku rada društva i pokretanju stečajnog postupka od 27.05.2021. godine; Potvrda Sparkasse Banke kojom se potvrđuje da društvo ima otvoren račun kod ove banke koji je blokiran od 07.06.2021. godine; Uvjerjenje Uprave za indirektno oporezivanje BiH, RC Tuzla broj: 02/6/IV-16-11-90-3770-1 od dana 09.06.2021. godine kojim se potvrđuje da društvo ima dospjelih a neizmirenih obaveza po osnovu indirektnih poreza, ostalih prihoda i taksi; Nalog za plaćanje poreznih obaveza Porezne uprave F BiH, KPU Tuzla, PI Lukavac broj 13-3/6-12-15-2689/21 od 08.06.2021. godine; Aktuelni izvod iz sudskog registra od 11.06.2021. godine; Bilans stanja na dan 31.12.2020. godine; Bilans uspjeha za period od 01.01.2020. godine do 31.12.2020. godine., predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 29.07.2021. godine, zakonski zastupnik društva Kasim Jusić izjavio je da u cijelosti ostaje kod prijedloga za otvaranje stečajnog postupka nad imovinom društva „KALE- POLOVNA ROBA“ d.o.o. Lukavac, navodeći iz razloga što ne postoje dalji ekonomski uvjeti za rad društva zbog nesolventnosti. U pogledu prezaduženosti društva zakonski zastupnik navodi da je u spis dostavio Uvjerjenje UIO RC Tuzla o postojanju duga u iznosu od 650.542,44 KM, te nalog PU KPU Tuzla na ime plaćanja poreznih obaveza u iznosu od

10.429,53 KM. Kako ističe, društvo se bavilo prodajom polovne odjeće, te je shodno navedenom ostalo dužno na ime direktnih i indirektnih poreza, a koliko mu je poznato društvo nema drugih obaveza prema dobavljačima, te drugim pravnim i fizičkim licima. Račun društva je blokiran, te iz svega navedenog proizilazi da društvo nije u mogućnosti izvršavati svoje dospjele obaveze od momenta dospijeca u neprekidnom trajanju dužem od 30 dana od dana nastanka obaveze. Navodi da bi se konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja. Zakonski zastupnik je istakao da koliko mu je poznato društvo nema potraživanja prema pravnim ili fizičkim licima. Od imovine društvo posjeduje zemljišnu parcelu sa bespravno izgrađenim objektom, a u ZK izvatku nije upisana hipoteka na navedenoj imovini. Od pokretne imovine navodi da društvo posjeduje polovnu robu koja nije prodana kroz dosadašnje poslovanje društva. Društvo je imalo troje zaposlenih lica, a eventualne obaveze radnicima bi se mogle odnositi samo na neizvršena plaćanja prema meni kao zakonskom zastupniku, jer nije bio u mogućnosti plaćati obaveze zbog blokade računa društva. Predlaže da sud naloži uplatu predjma za otvaanje predhodnog postupka u kojem bi se ispitali razlozi za pokretanje stečajnog postupka.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Faruk Arnaut

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.